

EPISTOLA

uato. Non enim vni tribuit Deus omnia, vt quod quis non habet in se, vel potest hoc vel illud, habeat & inueniat in alio, ne quis insolescat & se efferat: sint necesse est in hac societate humana, diuersi & impares singulorū seorsim consideratorum gradus & conditiones, tamen sunt sic inter se copulatæ & conglutinatę, vt seruiant communi vtilitati: præcipuè ad Christianæ reipub. conseruationem, & ad solida Christianæ amicitia vincula. Excellentioribus ergo officijs & gradibus ornati abiectioris & vilioris fortis atq; conditionis homines non aspernētur. Nam Deus istam inæqualitatem ita temperauit, vt Principes rusticis ne utiquam carere possint. Et quemadmodum Sol cū altissimè profectus est in Zodiaco, tum tardissimi motus est: ita quò Deus aliquem ad altiores & eminentiores honorū gradus subuexerit, hoc oportet eū animo leniori & minus superbo & elato esse. Diuus Paulus ad Ro. cap. 12. Vniuscuiusq; vocationem & spartam in similitudine corporis humani graphicè & viuis depingit coloribus. Quemadmodum, inquit, membrum nō sibi soli, sed & alijs deseruit, neq; mutuo se commiscet: ita in hoc vitæ curriculo habent diuersi diuersas functiones

ctiones